

## ILUARSISSUT

Siunnersuummut 22. juli 2009-imik ulloqartumut taarsiissut

**Sanaartornermi neqerooruteqartitsisarneq pillugu Inatsisartut inatsisissaattut siunnersuut nr. xx, xx. qaammat 2009-meersoq**

### **Tunngavilersuutaasoq:**

Oqaatsip ”Inatsisartut” qallunaatut atorneqartarnissaanut tunngatillugu Inatsisartut Siulittaasoqarfiat ulloq 25. august 2009 tamanut saqqummiussipput. Oqaaseq atorneqartussatut akuerisaasoq atorlugu siunnersuut pisariaqarfiatigut iluarsiivigineqarpoq.

Tamatuma saniatigut siunnersuummi aaqqissuussaanikkut makkua allanngortinneqarput:

§ 12, nr. 2 imatut oqaasertalerneqarpoq:

” 2) aningaasaqarnikkut teknikkikkullu pisinnaasat pillugit paasissutissat, piukkunnartussarsiornermut ilaanissamut uppersarsarneqartussat suussusissaat kiisalu taakkununga uppersarsaatissanut piumasaqaatit,”

§ 34 imatut oqaasertalerneqarpoq:

” § 28, imm. 2 naapertorlugu paasissutissanik Neqerooruteqartitsinermi Maalaaruteqartarfimmut tunniussinngitsoortoqarpat, maalaaruteqartarfik pineqartut ullormoortumik akiliisussanngortitsinerisigut pinngitsaaliissummik akiliisissinnaavai, taakkulu sioqqutsisumik eqqartuussinertaqaanngitsumik pinngitsaaliissummik naammassitinneqarsinnaapput.”

Tamatuma malitsigisaanik § 34-imut immikkut ittumik nassuiaatit allannguuteqartinneqarput, taakkualu tamatuma kingorna imatut oqaasertalerneqarput:

” Aalajangersakkap atuutilerneratigut § 28, imm. 2 naapertorlugu paasissutissanik Neqerooruteqartitsisarnermut Maalaaruteqartarfimmut paasissutissanik tunniussinngitsoortoqartillugu Maalaaruteqartarfik pinngitsaaliissutitut ullormoortumik akiligassanngortitsisinnaavoq, taakkulu sioqqutsisumik eqqartuussinertaqaanngitsumik pinngitsaaliissummik naammassitinneqarsinnaapput.

Paasissutissat piumaneqartut tunniunneqartarnissaat aalajangersakkakkut qulakkeerneqassaaq. Akiligassanngortitsisarneq § 28, imm. 2-p naammassineqartarnissaanut kaammattuutaassaaq.

Aalajangersagaq pingaartumik Neqerooruteqartitsisarnermut Maalaaruteqartarfiup paasissutissanik suliami pingaartumik suliaakkiisumit paasissutissinneqarnissamut periarfissaqarnerani isumaqartartussaavoq.

Ullormoortumik akiligassiisarnissamut piginnaatitaaffik Neqerooruteqartitsisarnermut Maalaaruteqartarfimmut suliaakkiissutigineqarpoq.”

Siunnersuummut nalinginnaasumik nassuiaatini, 1. Aallaqqaasiut, qupperneq 1, aaqqissuussaanikkut iluarsiiisoqarpoq:

Immikkoortut pingajuat imatut aallartittoq ”Naalakkersuisut piffissamut [...]”, peerneqarpoq.

Tamatuma saniatigut allannik allannguuteqartinneqanngilaq.